

Rap vo mim Job als Biografen vomne Maa mit ere Maa-nie

**Das isch de Rap
vo mim Job
Ich sitz a mim Lap-
Top
wo n ich studiere
mich konzentriere
und formuliere
s schwäre Läbe
vomne Maa
mit ere Maa-nie**

**Dänn macht's Biip:
föif WhatsApps
füfzg WhatsApps
vo dem Maa
mit ere Maa-nie
wo mich störed
bim Studiere
mich Konzentriere
und Formuliere
vo sine Gedanke**

**Ich bi veruss
will ich muess
wäg vom mim Job
am Lap-
Top
wäg vom Studiere
mich Konzentriere
und Formuliere
Ich möcht funktioniere
will nüd kollabiere**

**Dänn macht's Biip:
föif WhatsApps
füfzg WhatsApps
achtzg WhatsApps
vo dem Maa
mit ere Maa-nie
Ich tipp:
STOPP
Das isch nüd
min Job**

**Ich ligg im Bett
und ich wett
loslaa min Job
am Lap-
Top
Ich bi müed
vom Studiere
vom Formuliere
mich Konzentriere
müed vo de Maa-nie**

**Dänn macht's Biip:
hundert WhatsApps
I mim Chopf
drüled das Buech
vom dem Maa
mit ere Maa-nie
wo n ich grad mach
Wär's doch nur - ach -
scho under Dach
und Fach**